

ხელშეკრულება № SPA190004911/ 130

სახელმწიფო შესყიდვის შესახებ

ქ. თბილისი

2019 წლის 01 ნოემბერი

ერთი მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „შემსყიდველი“), წარმოდგენილი მისი გენერალური დირექტორის მოვალეობის შემსრულებლის ლევან ძნელაძის სახით და

მეორე მხრივ, შპს „ლ.მ.გ. გრუპი“ (შემდგომში „მიმწოდებელი“), წარმოდგენილი მისი დირექტორის მაკა სტეფანიაშვილის სახით,

„სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, ელექტრონული ტენდერის (SPA190004911) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს მომსახურებას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული შესყიდვის ობიექტი.
- 1.7 „ტექნიკური დავალება“ – სატენდერო დოკუმენტაციის ტექნიკური დავალება, რომელიც ხელშეკრულების განუყოფელი ნაწილია.

2. შესყიდვის ობიექტი

- 2.1. შესყიდვის ობიექტს წარმოადგენს: ტვირთის გადაზიდვის (ევაკუატორის საშუალებით) მომსახურების შესყიდვა, CPVკოდი 63110000 – შემდგომში მომსახურება.
- 2.2 ხელშეკრულებით გათვალისწინებული მომსახურების დეტალური აღწერა და პირობები მოცემულია ტექნიკურ დავალებაში, რომელიც ხელშეკრულების განუყოფელი ნაწილია.

3. ხელშეკრულების ღირებულება

- 3.1 ხელშეკრულების ჯამური ღირებულება დღგ–ს ჩათვლით შეადგენს: 6897,10 (ექვსი ათას რვაას ოთხმოცდაჩვიდმეტი ლარი და 10 თეთრი) ლარს.
- 3.2 გასაწევი მომსახურების ერთეულის ფასი, რაოდენობა და საერთო ღირებულება მოცემულია ხელშეკრულების დანართში, რომელიც ხელშეკრულების განუყოფელი ნაწილია.

4. მიწოდების პირობები და ადგილი

- 4.1. შესყიდვის ობიექტის მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად. მომსახურების გაწევის ვადებია: ხელშეკრულების გაფორმებიდან ეტაპობრივად, შემსყიდველის მოთხოვნის შესაბამისად, 2019 წლის 25 დეკემბრის ჩათვლით.
- 4.2. ხელშეკრულებით გათვალისწინებული მომსახურების მიწოდება ხორციელდება ტექნიკური დავალების შესაბამისად საქართველოს მთელ ტერიტორიაზე.

5. მხარეთა უფლება-ვალდებულებები

5.1 შემსყიდველს უფლება აქვს :

- 5.1.1 შეამოწმოს შესყიდვის ობიექტის მახასიათებლების შესაბამისობა ხელშეკრულებით გათვალისწინებულ პირობებთან;
- 5.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.
- 5.1.3 მოითხოვოს მიმწოდებლისგან ხელშეკრულების ჯეროვანი, დროული და კეთილსინდისიერი შესრულება.

5.2 შემსყიდველი ვალდებულია:

5.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.

5.2.2 დაიცვას ხელშეკრულებით გათვალისწინებული პირობები.

5.3 მიმწოდებელს უფლება აქვს:

5.3.1 მოთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.

5.4 მიმწოდებელი ვალდებულია:

5.4.1. უზრუნველყოს ხელშეკრულების პირობების შესრულება.

5.4.2. შესყიდვის ობიექტის მიწოდების პროცესში არსებული შეფერხების შესახებ აცნობოს შემსყიდველს.

5.4.3. მიმწოდებელმა უნდა უზრუნველყოს ჩატვირთვა-გადაზიდვა-გადმოტვირთვისას უსაფრთხოების ნორმების დაცვა, მიმწოდებელი პასუხისმგებელია ტვირთის დაუზიანებლად გადაადგილებაზე, ხოლო დაზიანების შემთხვევაში პასუხისმგებლობა ეკისრება მიმწოდებელს.

5.4.4. შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში, უზრუნველყოს მისი გამოსწორება დაუყოვნებლივ, საჭიროების შემთხვევაში გაწიოს საჭირო მომსახურება, შემსყიდველის მხრიდან რაიმე დამატებითი ხარჯების გარეშე.

5.4.5. მიმწოდებელმა ელექტრონულ ფოსტაზე მიღებულ მოთხოვნაზე რეაგირება უნდა მოახდინოს არასაშუალო დღეებშიც, ოპერატიულად, დღე-ღამის ნებისმიერ მონაკვეთში 24 საათიან რეჟიმში.

6. ანგარიშსწორება

6.1 ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, ეტაპობრივად მიმწოდებლის მიერ ფაქტობრივად გაწეული მომსახურების ღირებულების შესაბამისად.

6.2 ანგარიშსწორება მიმწოდებელთან განხორციელდება შესყიდვის ობიექტის მიღება-ჩაბარების აქტის გაფორმებისა და მიმწოდებლის მიერ ანგარიშგაქტურის წარდგენის საფუძველზე, შესაბამისი დოკუმენტების სრულად წარდგენიდან არაუგვიანეს 10 (ათი) სამუშაო დღის ვადაში.

6.3 საქართველოს მოქმედი კანონმდებლობით გათვალისწინებული მიმწოდებლისათვის დადგენილი ყველა გადასახადის გადახდაზე პასუხისმგებელია მიმწოდებელი.

7. ხელშეკრულების ინსპექტირება

7.1 შემსყიდველი ახორციელებს კონტროლს ხელშეკრულების შესრულების ნებისმიერ ეტაპზე მიმწოდებლის მიერ ნაკისრი ვალდებულებების შესრულებაზე.

7.2 ინსპექტირებას ახორციელებს შემსყიდველის ადმინისტრაციული სამსახურის უფროსის მოადგილე **რევაზ მარგველაშვილი** ან/და ადმინისტრაციული სამსახურის ლოჯისტიკის განყოფილების უფროსი **ირაკლი კვაჭანტირაძე** (შემდგომში ინსპექტირების განმახორციელებლები).

7.3 ინსპექტირების განმახორციელებლის ფუნქციებია:

7.3.1 გაუწიოს კონტროლი შესყიდვის ობიექტის მიწოდების ვადების ხელშეკრულების მოთხოვნებთან შესაბამისობის დადგენას.

7.3.2 განახორციელოს კონტროლი მიწოდებული შესყიდვის ობიექტის ხარისხზე, ტექნიკური დავალებით გათვალისწინებული მოთხოვნების შესაბამისობაზე.

7.4 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. შესყიდვის ობიექტის მიღება-ჩაბარების წესი

8.1 შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული შესყიდვის ობიექტის შესაბამისად, რომელიც დასტურდება შემსყიდველის ადმინისტრაციული სამსახურის ლოჯისტიკის განყოფილების უფროსი სპეციალისტის - **გიორგი თარგამაძის ან/და** ამავე განყოფილების სპეციალისტის **გიორგი კენჭიაშვილის** ხელმოწერით.

8.2 ხელშეკრულების 5.4 პუნქტის შეუსრულებლობის შემთხვევაში შემსყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯების გაწევის გარეშე.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული შესყიდვის ობიექტის ხარისხის მნიშვნელოვანი დარღვევის

(გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ვადაში მიმწოდებელს არ შეუძლია შესყიდვის ობიექტის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გადახდისუნარიობის საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 ხელშეკრულების 9.3 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 დღით ადრე წერილობით აცნობოს ამის შესახებ მეორე მხარეს.

10. მხარეთა პასუხისმგებლობა

10.1 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

10.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ფორს-მაჟორი

11.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახსნას ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისგან.

12. ხელშეკრულებაში ცვლილებების შეტანა

12.1 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ხელშეკრულების განუყოფელი ნაწილია.

12.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაჭრის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელისმოწერისთანავე და ძალაშია 2020 წლის 31 იანვრის ჩათვლით.

15. დასკვნითი დებულებები

15.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

15.2 ხელშეკრულება შედგენილია ქართულ ენაზე და ფორმდება ელექტრონულად, რომლის ყველა ეგზემპლარი ორიგინალია.

16. მხარეთა მისამართები, საბანკო რეკვიზიტები და ხელმოწერები

შემსყიდველი:

სსიპ "საქართველოს ფინანსთა სამინისტროს
მომსახურების სააგენტო"

ქ. თბილისი, გულუას № 4

ტელ: (995 32) 601 601

საიდენტიფიკაციო კოდი: 205081249

მიმღები: სახელმწიფო ხაზინა

მიმღების დასახელება: ხაზინის ერთიანი
ანგარიში

ბანკის კოდი: TRESGE22

მიმღების ანგარიში/სახაზინო კოდი: 707027501

მიმწოდებელი:

შპს „ლ.მ.ც. გრუპი“

ქ.თბილისი, გლდანი-ნაძალადევის რაიონში

,გლდანის 1 მ/რ,კორ .16, ბ 155;

ტელ: 5 77 100102;

საიდენტიფიკაციო კოდი: 400 085 689

ელ. ფოსტა: maka.stepniashvili@yahoo.com

ბანკის დასახელება: სს "თიბისი ბანკი";

ბანკის კოდი: TBCBGE22

ა/ა GE18TB 7537 3360 5010 0002

ლევან ძნელაძე
გენერალური დირექტორის
მოვალეობის შემსრულებელი

მაკა სტეფნიაშვილი
დირექტორი

№	დასახელება	რაოდენობა (კმ)	ერთ. ფასი დღგ-ს ჩათვლით	სულ ფასი დღგ-ს ჩათვლით	მომსახურების გაწევის ადგილი
1	ტვირთის გადაზიდვა ერთ-ადგილიანი ევაკუატორით	1500	2,74940	4124,10	საქართველოს მთელ ტერიტორიაზე
2	ტვირთის გადაზიდვა ორ-ადგილიანი ევაკუატორით	500	2,77300	1386,50	საქართველოს მთელ ტერიტორიაზე
3	ამწე ევაკუატორი (ე.წ. ობობა)	500	2,77300	1386,50	საქართველოს მთელ ტერიტორიაზე
4	სულ ჯამი			6897,10	

დასტური ინტერესთა კონფლიქტის არარსებობის შესახებ

2019 წლის 01 ნოემბერი

გავეცანით „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს და ვადასტურებთ ელექტრონული ხელმოწერით, რომ ჩვენი მონაწილეობა სსიპ „საქართველოს ფინანსთა სამინისტროს მომსახურების სააგენტოს“ მიერ SPA190004911 ელექტრონული ტენდერის ფარგლებში, ტვირთის გადაზიდვის (ევაკუატორის საშუალებით) მომსახურების სახელმწიფო შესყიდვასთან დაკავშირებულ საქმიანობაში, რომელსაც ახორციელებს შპს „ქარვჭელი“, არ იწვევს ინტერესთა კონფლიქტს.

სსიპ „საქართველოს ფინანსთა სამინისტროს მომსახურების სააგენტოს“
ადმინისტრაციული სამსახურის ლოჯისტიკის განყოფილების
უფროსი სპეციალისტი

გიორგი თარგამაძე

სსიპ „საქართველოს ფინანსთა სამინისტროს მომსახურების სააგენტოს“
ადმინისტრაციული სამსახურის ლოჯისტიკის განყოფილების
სპეციალისტი

გიორგი კენჭიაშვილი